

En Afang - EP

Behind The Album

Vision.

Vier Songs. Vier Musigstil. Vier Botschafte. D Vision vode EP isch ganz klar druf glege zum zitgmässe Mundart-Worship komponiere, lebesnöchi Theme verarbeite und d Grenze sprengere wie Worship sött und chan töne. Als Godi Amriswil wünschemer üs, dass jungi Lüüt dur üsi Musig dörfed en Zuegang finde zum Christliche Glaube. S Album isch nochem Titelsong "En Afang" benennt, stoht allerdings genauso für en Neufang im Sinn vo neuer, moderner Worship Musig.

Text.

Inhaltlich gohts unter anderem um Vergebig, insbesondere Vergebig vo wiederkehrende Sünde wie Sucht, Droge, Pornographie, Hass. Egal wie viel mol mir de glich Fehler begönd, solange mir miteme reuende Herz vor Gott chömed und üsi Sünde bekenned, vergit Er üs, jedes einzelne Mol. Glichzeitig wömmere Gottes Name gross mache, Ihn fiere und proklamiere was de Name Jesus alles chan uslöse. Dankbarkeit isch ebefalls en wichtige Teil, womer Gott würkli wend Danke sege für all die Sache wo Er üs schenkt, üs glinge loht und üs versorgt. Im Gegezug wird au s Thema Chrankheit und Heilig ahgsproche. Es git Situatione, do loht Gott sache zue wo nöd i üsem Sinn sind. Trotzdem chömmere die Gwüssheit ha, dass er die absolut Kontrolle het über alles. AMEN!

Musig.

Musikalisch werded ebefalls verschiedeneni Richtige ihgschlage. Es goht vo Gospel-inspiriertem Pop zu moderner 80s Synth-Pop Musig. Druf folged sehr jazzigi Vibes mit digitalem Touch und schliesslich en "klassische" Worship Pop Song mit sehr atmosphärische Kläng. Es söll zudem e Balance sie zwüsched Mitsing-Lieder und Songs wome au chillig chan allei lose :)

